

საჯარო სამართლის იურიდიული პირი –
შოთა რუსთაველის სახელმწიფო უნივერსიტეტი
წ ა რ მ მ ა დ გ ე ნ ლ ო ბ ი თ ი ს ა ბ ჭ ო

მისამართი: 6010, ქ. ბათუმი,
ნინოშვილის ქ., №35

ტელ/ფაქსი: (+995 222) 7 17 82
ელ. ფოსტა: warmomadgenlobiti

გ ა დ ა წ ყ ვ ე ტ ი ლ ე ბ ა № 04

ბათუმი

16 ივლისი, 2010 წელი

საჯარო სამართლის იურიდიული პირის - შოთა რუსთაველის სახელმწიფო უნივერსიტეტის სტუდენტთათვის ავთანდილ ბარათაშვილის სახელობის სტიპენდიების დანიშვნისა და გაცემის წესის დამტკიცების თაობაზე

„უმაღლესი განათლების შესახებ“ საქართველოს კანონის მე-18 მუხლის, რსუ-ს წესდების მე-10 მუხლისა და წარმომადგენლობითი საბჭოს რეგლამენტის საფუძველზე წარმომადგენლობითმა საბჭომ

გ ა დ ა წ ყ ვ ი ტ ა

1. დამტკიცდეს სსიპ - შოთა რუსთაველის სახელმწიფო უნივერსიტეტის სტუდენტთათვის ავთანდილ ბარათაშვილის სახელობის სტიპენდიების დანიშვნისა და გაცემის წესი (დანართი 1).
2. გადაწყვეტილება გამოქვეყნდეს რსუ-ს ვებ-გვერდზე და გაზეთში „ბათუმის უნივერსიტეტი“;
3. გადაწყვეტილება ძალაშია ხელმოწერისთანავე.

წარმომადგენლობითი საბჭოს სპიკერი

სპიკერი

/ვ.შამილაძე/

შოთა რუსთაველის სახელმწიფო უნივერსიტეტის სტუდენტთათვის ავთანდილ ბარათაშვილის სახელობის სტიპენდიების დანიშვნისა და გაცემის წესი

**თავი I.
ძირითადი დებულებანი**

მუხლი 1. ზოგადი დებულებანი

1. ეს წესი არეგულირებს შოთა რუსთაველის სახელმწიფო უნივერსიტეტის (შემდეგში რსუ-ს) სტუდენტთათვის ავთანდილ ბარათაშვილის სახელობის ოთხი, 250 ლარის ოდენობით სტიპენდიების (შემდეგში „სტიპენდია“) დანიშვნასა და გაცემას;
2. „სტიპენდიის“ დანიშვნა გამოიწვევს რსუ-ს ბაკალავრიატისა და მაგისტრატურის იმ სტუდენტთა წახალისებისათვის, რომლებიც არიან სოციალურად დაუცველი ფენის წარმომადგენლები და გამოირჩევიან სწავლაში კარგი წარმატებებით (შეფასებები 81 ქულა და მეტი).
3. სტიპენდია სტუდენტს ენიშნება სწავლების მეორე წლიდან (მესამე სემესტრიდან), თუ გასული სასწავლო წლის (წლების) განმავლობაში საგანმანათლებლო პროგრამით გათვალისწინებულ ყოველ სასწავლო კურსში მიღებული აქვს შეფასება „კარგი“ (შეფასებები 81 ქულა და მეტი).
4. სტიპენდია ინიშნება 2010-2011 სასწავლო წელს - 2010 წლის 1 ოქტომბრიდან 2011 წლის ივლისის ჩათვლით.
5. სტიპენდია არ ენიშნება:
 - ა) რსუ-ს სტატუსმწიფრებულ სტუდენტს;
 - ბ) სტუდენტს, რომელსაც სრულად არა აქვს ათვისებული საგანმანათლებლო პროგრამის შესაბამისი ეტაპისათვის გათვალისწინებული კრედიტები (გარდა გაცვლითი პროგრამიდან დაბრუნებული სტუდენტისა, პროგრამებს შორის განსხვავებული კრედიტების ასათვისებლად ფაკულტეტის მიერ განსაზღვრული განრიგის ამოწურვამდე);
6. სტუდენტს, მათ შორის სახელმწიფო სტიპენდიანტს, ერთდროულად ორი სხვადასხვა ან ერთი და იმავე სახის სტიპენდია არ დაენიშნება, ხოლო თუკი დანიშნული აქვს - მასზე გაიცემა იმ სახის სტიპენდია, რომელსაც თავად სტუდენტი აირჩევს.

**თავი II.
სტიპენდია**

მუხლი 2. სტიპენდიების მოსაპოვებლად კონკურსის გამოცხადება

1. სტიპენდიების მოსაპოვებლად 2010 წლის 20 სექტემბრიდან კონკურსს აცხადებს ფაკულტეტის საბჭო. განცხადება უნდა გამოქვეყნდეს რსუ-ს ვებ-გვერდზე ან/და ფაკულტეტის საინფორმაციო დაფაზე განაცხადების მიღების დაწყებამდე არანაკლებ 07 დღით ადრე, რასაც უზრუნველყოფს შესაბამისი ფაკულტეტის დეკანატი.
2. საკონკურსო განცხადებების მიღება იწარმოებს 07 დღის განმავლობაში, კონკურსი კი ჩატარდება კონკურსის გამოცხადებიდან არაუგვიანეს ერთი თვისა.
3. კონკურსის გამოცხადების შესახებ განცხადება უნდა შეიცავდეს:
 - ა) კონკურსის პირობებს;
 - ბ) კონკურსანტისადმი წაყენებულ მოთხოვნებს;
 - გ) წარმოსადგენი საკონკურსო დოკუმენტაციის ნუსხას და პირობებს;
 - დ) განაცხადის (საკონკურსო დოკუმენტაციის) წარმოდგენის ვადასა და ადგილს;

4. კონკურსში მონაწილეობის მისაღებად განცხადების წარდგენის უფლება აქვს ამ წესის პირველი მუხლის მოთხოვნათა შესაბამისად რსუ-ს სტუდენტს, სწავლების მეორე წლიდან, თუ არის სოციალურად დაუცველი ფენის წარმომადგენელი და სტიპენდიის მისაღებად კონკურსის გამოცხადების მომენტისათვის სასწავლო პროგრამით გათვალისწინებულ ყველა დისციპლინაში აქვს 81 და მეტი ქულა;

5. ამ მუხლის მე-3 პუნქტის „გ“ ქვეპუნქტით გათვალისწინებული საკონკურსო დოკუმენტაცია (დანართი 1) უნდა მოიცავდეს:

- ა) განცხადებას კონკურსში მონაწილეობის შესახებ (დანართი 2);
- ბ) სტუდენტის სასწავლო-სამეცნიერო ავტობიოგრაფიას (CV) (დანართი 3);
- გ) სამეცნიერო კონფერენციის, სემინარის, სიმპოზიუმის და სხვ. ღონისძიებებში აქტიური მონაწილეობის დამადასტურებელი დიპლომის, სიგელის, სერთიფიკატის და სხვ. დედანს ან ნოტარიულად დამოწმებულ ასლს (ასეთის არსებობის შემთხვევაში);
- დ) პირადობის მოწმობის ასლს;
- ე) ცნობას სტუდენტის აკადემიური მოსწრების შესახებ;
- ვ) სტუდენტის მიერ გამოქვეყნებული ნაშრომის დედანს ან დამოწმებულ ასლს (ასეთის არსებობის შემთხვევაში);
- ზ) არანაკლებ ერთ რეკომენდაციას რსუ-ს იმ პროფესორისაგან, რომელიც კარგად იცნობს პრეტენდენტის სასწავლო და სამეცნიერო საქმიანობას.
- თ) სოციალურად დაუცველი ფენის წარმომადგენლობის დამადასტურებელი ცნობას, გაცემული შესაბამისი სამსახურის მიერ;

მუხლი 3. საკონკურსო კომისია

1. კონკურსანტთა განაცხადებისა და დოკუმენტების განხილვა მოხდება რექტორის მიერ რსუ-ს სტიპენდიების მოსაპოვებლად გამოცხადებული კონკურსის ჩატარების მიზნით შექმნილი საკონკურსო კომისიის მიერ.

2. კომისიას თავმჯდომარეობს რექტორის მოადგილე, ხოლო მდივანი აირჩევა ღია კენჭისყრით, ხმათა უმრავლესობით, კომისიის პირველივე სხდომაზე.

3. კომისიის სხდომა იმართება გამოცხადებული კონკურსის ვადების შესაბამისად. გადაწყვეტილებას კომისიის სხდომის მოწვევის შესახებ იღებს კომისიის თავმჯდომარე. საჭიროების შემთხვევაში კომისიის თავმჯდომარეს უფლება აქვს მოიწვიოს კომისიის რიგგარეშე სხდომა.

4. კომისიის სხდომებს ესწრებიან მხოლოდ კომისიის წევრები.

5. კომისია უფლებამოსილია, თუ მას ესწრება სიითი შემადგენლობის უმრავლესობა.

6. კომისიის სხდომებს უძღვება კომისიის თავმჯდომარე, ხოლო მისი არყოფნის შემთხვევაში კომისიის თავმჯდომარის მოადგილე, რომელიც აირჩევა ასევე ღია კენჭისყრით, ხმათა უმრავლესობით, კომისიის პირველივე სხდომაზე.

7. საკონკურსო კომისია:

7.1. ისმენს ფაკულტეტების მდივნების მოხსენებას შემოსული საკონკურსო განცხადებებისა და დოკუმენტაციის შესახებ და მიღება-ჩაბარების აქტის საფუძველზე იბარებს მათ;

7.2. ამოწმებს:

- ა) სრულად არის თუ არა წარმოდგენილი ყველა დოკუმენტი;
- ბ) არის თუ არა ყველა საჭირო დოკუმენტი შედგენილი შესაბამისი ფორმისა და რეკვიზიტების დაცვით (უფლებამოსილი პირის ხელმოწერა, საჭიროების შემთხვევაში ბეჭდით დამოწმება, თარიღის მითითება და სხვა);
- გ) შეესაბამება თუ არა საკონკურსო დოკუმენტაციის მონაცემები ამ წესის მოთხოვნებს.

7.3. საკონკურსო დოკუმენტაცია საკონკურსო კომისიის მიერ არ განიხილება (არ შეფასდება) შემდეგ შემთხვევებში:

ა) თუ კონკურსანტის მიერ არ არის წარმოდგენილი ყველა საჭირო დოკუმენტი ან/და ინფორმაცია;

ბ) თუ პრეტენდენტის მიერ ინფორმაცია/დოკუმენტები წარმოდგენილი არ არის შესაბამისი ფორმის დაცვით (ხელმოწერა, ბეჭედი, ნოტარიული დამოწმება და ა.შ.)

გ) თუ პრეტენდენტის მიერ წარმოდგენილი მონაცემები (დოკუმენტები) არ შეესაბამება სინამდვილეს (ყალბი აღმოჩნდა), რაც დასტურდება რსუ-ში არსებული გარკვეული სახის მტკიცებულებებით.

დ) თუ პრეტენდენტს დანიშნული აქვს რომელიმე სახის სტიპენდია;

ე) თუ პრეტენდენტს შეჩერებული აქვს რსუ-ს სტუდენტის სტატუსი;

7.4. შემოწმების პროცედურის დასრულების შემდგომ კომისია ადგენს იმ განაცხადების (საკონკურსო დოკუმენტაციების) სიას, რომლებიც ამ წესის მოთხოვნათა შესაბამისად არ ექვემდებარება განხილვას. აღნიშნული სია კომისიის სხდომის დასრულებისთანავე გამოქვეყნდება შესაბამისი ფაკულტეტის საინფორმაციო დაფაზე, რის შესახებაც ეცნობება რსუ-ს რექტორს;

7.5. ამ წესითა და კონკურსის გამოცხადების შესახებ აქტით განსაზღვრულ ვადებში კომისია აფასებს განხილვას დაქვემდებარებულ განცხადებებს (საკონკურსო დოკუმენტაციებს) და კონკურსის შედეგს (გადაწყვეტილებას) წარუდგენს რსუ-ს რექტორს.

მუხლი 4. საკონკურსო განცხადების და დოკუმენტაციის წარდგენის წესი

1. კონკურსანტის მიერ წარმოდგენილი უნდა იქნეს საკონკურსო განაცხადი და დოკუმენტაცია ერთ ეგზემპლარად;

2. საკონკურსო განცხადებების (დოკუმენტაციის) მიღებასა და რეგისტრაციას (მიღების თარიღისა და დროის მითითებით) აწარმოებს შესაბამისი ფაკულტეტის მდივანი, რომელიც საკონკურსო განცხადებების მიღების ვადის დასრულების შემდეგ მათ გადასცემს საკონკურსო კომისიის მდივანს.

3. თითოეულ პრეტენდენტს (კონკურსანტს) აქვს მხოლოდ ერთი განაცხადის წარდგენის უფლება.

4. საკონკურსო დოკუმენტაციის წინამდებარე წესის მოთხოვნებთან შესაბამისობაზე პასუხისმგებელია კონკურსანტი.

5. საკონკურსო დოკუმენტაცია მდივანს ბარდება დანომრილი სახით. ამასთან, განცხადებაში უნდა მიეთითოს თანდართული საკონკურსო დოკუმენტაციის ფურცლების რაოდენობა.

6. განაცხადი (საკონკურსო დოკუმენტაცია) მდივნის მიერ მიიღება მხოლოდ კონკურსის გამოცხადების შესახებ რსუ-ს აქტით განსაზღვრულ ვადაში.

7. პრეტენდენტს უფლება აქვს განაცხადების (საკონკურსო დოკუმენტაციის) მიღების ვადის დასრულებამდე წარმოადგინოს განაცხადში (საკონკურსო დოკუმენტაციაში) ცვლილებების შეტანის თაობაზე განცხადება.

მუხლი 5. კომისიის გადაწყვეტილება და სტიპენდიის გაცემა

1. კომისია თითოეულ კონკურსანტს აფასებს ღია კენჭისყრით, დამსწრე წევრთა უბრალო უმრავლესობით.

2. კომისიის ყოველ წევრს აქვს ერთი ხმის უფლება. კენჭისყრის შედეგად ხმების თანაბრად გადანაწილების შემთხვევაში გადამწყვეტია კომისიის თავმჯდომარის ხმა.

3. კომისიის გადაწყვეტილება ფორმდება სხდომის ოქმით, რომელსაც ხელს აწერს კომისიის თავმჯდომარე და მდივანი.

4. კომისიის გადაწყვეტილების საფუძველზე რსუ-ს რექტორი გამოსცემს ბრძანებას სტიპენდიის დანიშვნის თაობაზე.

5. სტიპენდიის გაცემის საფუძველს წარმოადგენს რსუ-ს ადმინისტრაციის ხელმძღვანელის ბრძანება სტიპენდიის გაცემის თაობაზე.

მუხლი 6. სტიპენდიანტის აკადემიური მოსწრების (სამეცნიერო საქმიანობის) მონიტორინგი და სტიპენდიის გაცემის შეწყვეტა

1. კომისიის გადაწყვეტილების საფუძველზე ან საკუთარი ინიციატივით რექტორი, გამოსცემს ბრძანებას სტიპენდიანტისათვის სტიპენდიის გაცემის შეწყვეტის შესახებ, თუ სტუდენტის მონაცემები ვერ აკმაყოფილებს სტიპენდიის დანიშვნისათვის ამ წესით განსაზღვრულ მოთხოვნებს.

2. სტიპენდიანტის აკადემიური მოსწრების მონიტორინგი ევალება შესაბამისი ფაკულტეტის დეკანს.

ხელშეკრულება №

ქ. ბათუმი

----- 2010 წ.

საჯარო სამართლის იურიდიული პირი „შოთა რუსთაველის სახელმწიფო უნივერსიტეტი“ (ქ. ბათუმი, ნინოშვილის ქ. №35) (შემდეგში - „შემოწირულობის მიმღები“) წარმოდგენილი მისი რექტორის, პროფესორ ალიოშა ბაკურიძის სახით და ადმინისტრაციის ხელმძღვანელის, დავით ლეკვეიშვილის სახით და ავთანდილ ბარათაშვილი (ეროვნებით ქართველი, რუსეთის მოქალაქე, დაბ. ხულოს რაიონის სოფელ რაქვთაში, სავაჭრო კომპანია „მეტალისტის“ გენერალური დირექტორი) (შემდეგში „შემოწირულობის გამცემი“), დებს წინამდებარე ხელშეკრულებას შემდეგზე:

მუხლი 1. ხელშეკრულების საგანი

რსუ-ს ოთხი სტუდენტისათვის 2010–2011 სასწავლო წლის განმავლობაში „ავთანდილ ბარათაშვილის სახელობის სტიპენდიის“ დაწესება და მისი გაცემისათვის რსუ-ს ანგარიშზე განსაზღვრული ოდენობით თანხის შემოტანა.

მუხლი 2. მხარეთა უფლება-მოვალეობანი

2.1. შემოწირულობის გამცემის უფლება-მოვალეობები

- 2.1.1. შემოწირულობის გამცემი კისრულობს ვალდებულებას ჩარიცხოს რსუ-ს ანგარიშზე ----- ლარი რსუ-ს ოთხი სტუდენტისათვის რსუ-ს მიერ დადგენილი წესის შესაბამისად ავთანდილ ბარათაშვილის სახელობის სტიპენდიების 2010 წლის ოქტომბრიდან 2011 წლის ივლისის ჩათვლით პერიოდში ყოველთვიურად გაცემის მიზნით;
- 2.1.2. შემოწირულობის გამცემი უფლებამოსილია, ნებისმიერ დროს მოითხოვოს ინფორმაცია მისი სახელობის სტიპენდიის დანიშვნა-გაცემის თაობაზე.

2.2. შემოწირულობის მიმღების უფლება-მოვალეობები

- 2.2.1. შემოწირულობის მიმღები ვალდებულია რსუ-ს ოთხი სტუდენტისათვის (81 ქულა და მეტი შეფასებების მქონე და სოციალურად დაუცველი ფენის წარმომადგენლებისათვის) დააწესოს ავთანდილ ბარათაშვილის სახელობის სტიპენდია. თანხა გაიცემა საქართველოს საგადასახადო კოდექსით დადგენილი ნორმების შესაბამისად.
- 2.2.2. შემოწირულობის მიმღები ვალდებულია, შემოწირულობის გამცემის მოთხოვნის შესაბამისად მისცეს მას ინფორმაცია ავთანდილ ბარათაშვილის სახელობის სტიპენდიების დანიშვნა-გაცემის თაობაზე.

მუხლი 3. ხელშეკრულების ვადა და მისი შეწყვეტის საფუძვლები

- 3.1. ხელშეკრულება ძალაშია 2010 წლის 1 ოქტომბრიდან 2011 წლის ივლისის ჩათვლით.
- 3.2. მხარეთა წერილობითი შეთანხმებით შესაძლებელია ამ ხელშეკრულების პირობების 2011–2012 სასწავლო წელზე გავრცელება.

მუხლი 4. დასკვნითი დებულებები

- 4.1. ხელშეკრულება შედგენილია თანაბარი იურიდიული ძალის მქონე ორ ეგზემპლარად, რომელთაგან ერთი ეგზემპლარი ინახება რსუ-ში, ხოლო მეორე - შემოწირულობის გამცემთან;
- 4.2. ხელმოწერებით მხარეები ადასტურებენ თანხმობას წინამდებარე ხელშეკრულების შინაარსზე.

მხარეთა ხელმოწერები

„შემოწირულობის მიმღები“

„შემოწირულობის გამცემი“

რექტორი, პროფესორი: -----

ადმინისტრაციის ხელმძღვანელი -----

დანართი 1

კონკურსზე წარსადგენი დოკუმენტაციის საკონტროლო ნუსხა

	წარსადგენი საკონკურსო დოკუმენტები	ეგზემპლართა რაოდენობა	დოკუმენტის სისწორის ნოტარიული დამოწმება
1	სტუდენტის სასწავლო/სამეცნიერო ავტობიოგრაფია (CV);	1	არ არის სავალდებულო
2	სამეცნიერო კონფერენციის, სემინარის, სიმპოზიუმის და სხვ. ღონისძიებებში აქტიური მონაწილეობის დამადასტურებელი	1	სავალდებულოა

	დიპლომ(ებ)ის, სიგელ(ებ)ის, სექტიფიკატ(ებ)ის და სხვ. ასლ(ებ)ი (ასეთის არსებობის შემთხვევაში)		
3	პირადობის მოწმობის ასლი	1	არ არის სავალდებულო
4	ცნობა აკადემიური მოსწრების შესახებ	1	არ არის სავალდებულო
5	გამოქვეყნებული ნაშრომ(ებ)ის ასლები	1	არ არის სავალდებულო
6	სარეკომენდაციო წერილი	1	არ არის სავალდებულო
7	სოციალურად დაუცველი ფენის წარმომადგენლობის დამადასტურებელი ცნობა, გაცემული შესაბამისი სამსახურის მიერ		არ არის სავალდებულო

შენიშვნა: მე-2 და მე-5 გრაფაში აღნიშნული დოკუმენტების დამოწმება შესაძლებელია შესაბამისი საუნივერსიტეტო სამსახურების მიერ, თუკი სამეცნიერო კონფერენცია, სემინარი, სიმპოზიუმი და სხვა ღონისძიება ჩატარდა რსუ-ში, ხოლო დოკუმენტის დედნის წარმოდგენის შემთხვევაში არ არის სავალდებულო მისი ნოტარიულად დამოწმება.

დანართი 2

განცხადება კონკურსში მონაწილეობის შესახებ

შოთა რუსთაველის სახელმწიფო უნივერსიტეტის რექტორს, ბატონ ალიომა ბაკურიძეს

1.	სახელი, გვარი	
2.	პირადობის დამადასტურებელი დოკუმენტის ნომერი და პირადი ნომერი:	
3.	დაბადების თარიღი (რიცხვი, თვე, წელი):	
4.	დაბადების ადგილი (ქალაქი, ქვეყანა):	
5.	ფაქტობრივი საცხოვრებელი ადგილი/ რეგისტრაციის ადგილი (მისამართი):	
6.	ტელეფონი::	

7.	ელექტრონული ფოსტა:	
8.	ფაკულტეტი, საფეხური :	
9.	სპეციალობა:	

გავეცანი რა ავთანდილ ბარათაშვილის სახელობის სტიპენდიების დანიშვნისა და გაცემის წესს, გთხოვთ, მიიღოთ ჩემი განცხადება და წარმოდგენილი დოკუმენტაცია სტიპენდიის მოსაპოვებლად გამოცხადებულ კონკურსში.

განცხადებას თან ერთვის:

- 1) პირადობის მოწმობის ასლი;
- 2) ცნობა სტუდენტის აკადემიური მოსწრების შესახებ.
- 3) სტუდენტის სასწავლო/სამეცნიერო ავტობიოგრაფია (CV);
- 4) სოციალურად დაუცველი ფენის წარმომადგენლობის დამადასტურებელი ცნობა, გაცემული შესაბამისი სამსახურის მიერ;
- 5) გამოქვეყნებული ნაშრომების ასლები ---- ფურცელი;
- 6) სარეკომენდაციო წერილი;
- 7) სამეცნიერო კონფერენციის, სემინარის, სიმპოზიუმის და სხვ. ღონისძიებებში აქტიური მონაწილეობის დამადასტურებელი დიპლომი, სიგელი, სერთიფიკატი და სხვ. დედანი / ნოტარიულად დამოწმებულ ასლი ----- ფურცელი; (ასეთის არსებობის შემთხვევაში);

ვადასტურებ, რომ ჩემს მიერ მოწოდებული ინფორმაცია ზუსტია და არ შეიცავს ყალბ მონაცემებს. ამასთანავე, თანხმობას ვაცხადებ : ა) რსუ-მ ნებისმიერ დროს გადაამოწმოს მოწოდებული ინფორმაციის სიზუსტე. ბ) არასწორი ან ყალბი მონაცემების (დოკუმენტაციის) დადგენის (აღმოჩენის) შემთხვევაში ჩემი განაცხადი არ განიხილოს საკონკურსო კომისიამ ან თუ დანიშნული მექნება სტიპენდია, შემიწყდეს ვადაზე ადრე.

განმცხადებლის ხელმოწერა:

დანართი 3

თარიღი:

სასწავლო/სამეცნიერო ავტობიოგრაფია (CV)

1. სახელი, გვარი

2. ----- ფაკულტეტი,

(საჭიროების შემთხვევაში დაამატეთ სტრიქონები)

	ჩარიცხვის წელი	განათლების საფეხური და სპეციალობა	შენიშვნა
1			
2			

3. სემესტრის განმავლობაში მიღებული შეფასებები:

სემესტრი	სასწავლო კურსი/მოდული	შეფასება	შენიშვნა
----------	-----------------------	----------	----------

1				
2				

4. პუბლიკაციების რაოდენობა: _____, მათ შორის საერთაშორისო სამეცნიერო ჟურნალში _____, _____ (ასეთი ინფორმაციის არსებობის შემთხვევაში)

5. პუბლიკაციების ჩამონათვალი კონკურსანტის შეხედულებისამებრ

	წელი	პუბლიკაციის დასახელება	გამომცემლობა	პუბლიკაციის სახე (სტატია და სხვა)
1				
2				

6. სამეცნიერო ფორუმებში მონაწილეობა

	წელი	ღონისძიების დასახელება	მოხსენების სათაური	ღონისძიების ჩატარების ადგილი
1				
2				

9. დამატებითი ინფორმაცია სურვილისამებრ